



## DEKLARACIJA KONFERENCIJE

### **Konferencija o finansijskim potrebama državnih pravosudnih institucija Bosne i Hercegovine**

petak, 31.III.2006. godine  
Zgrada Berlaymont Evropske komisije, Brisel

Mi, Vlada Bosne i Hercegovine, zemlje donatori i Evropska komisija, pozdravljamo postignuti uspjeh koje su od 2003 godine ostvarile državne pravosudne institucije u saradnji sa međunarodnom zajednicom. Naročito bi naglasili proširenje kapaciteta u državnim pravosudnim institucijama za efikasno procesuiranje složenih predmeta ratnih zločina i organiziranog kriminala.

Ponovno naglašavamo da se u našim zajedničkim nastojanjima vodimo načelima da oni koji su prekršili međunarodno humanitarno pravo i počinili druge teške povrede ljudskih prava u ratu koji je trajao od 1992. do 1995. godine budu izvedeni pred lice pravde, kao i da se u tim postupcima osigura poštivanje međunarodnih standarda propisnog postupanja i pravičnog i javnog suđenja.

Uzimajući u obzir rezoluciju 1503 Vijeća sigurnosti UN-a prepoznali smo transfer prva dva pritvorenika iz Međunarodnog krivičnog suda za bivšu Jugoslaviju u Bosnu i Hercegovinu u 2005. godini kao značajno priznanje napretka vladavine prava u zemlji.

Vlada Bosne i Hercegovine i međunarodna zajednica priznaju da je naše trajno partnerstvo ključno za budući uspjeh u državnom pravosudnom sektoru i za trajni napredak Bosne i Hercegovine prema EU. Pozivajući se ponovo na obećanje sa donatorske konferencije u Hagu 2003. godine, međunarodna zajednica ostaje predana obavezi da i dalje finansira državne pravosudne institucije u saradnju sa Vladom Bosne i Hercegovine tokom tranzicijskog perioda od 2006. do 2009. godine.

Međunarodna zajednica obećala je 7,7 miliona Eura za podršku finansiranja državnih pravosudnih institucija u 2007. godini. Učesnici konferencije prepoznaju hitnu potrebu da se što prije izgradi Državni zatvor BiH za smještaj osuđenika za ratne zločine i organizirani kriminal.

Tokom ovog prijelaznog perioda, Vlada Bosne i Hercegovine preuzela je obavezu da postupno osigurava odgovarajuća sredstva u budžetu Bosne i Hercegovine koja će osigurati održivost kapaciteta izgrađenih u državnom pravosudnom sektoru sredstvima koja je uložila međunarodna zajednica.

Učesnici konferencije se slažu da Ministarstvo pravde Bosne i Hercegovine treba pripremiti sveobuhvatni državni Plan za pravosudni sektor. Ovaj plan će služiti kao katalizator za budući razvoj i jačanje pravosudnog sektora Bosne i Hercegovine u cjelosti.